

Öreigar og kúgaðar þjóðir heims sameinist!

Stéttabaráttan



Ert þú
áskrifandi
að viku-
blaði
verkafólks?

Málagn Kommúnistaflokks Íslands/Marxista-Lenínista

20. tölublað

Þriðjudagur 22. maí 1979

8. árgangur

Verð kr. 150

Farmannadeilan:

Afskipti "vinstri" stjórnarinnar

Eins og menn eflaust muna gáfu nokkrir ráðherranna út þá yfirlýsingu í fjölmiðlum að "ríkisstjórnin mundi grípa inn í yfirstandandi kjaradeilur á einn eða annan hátt og að annað væri óhugsandi."

Það kom og á daginn að Ólafur Jóhannesson beindi þeim tilmælum til deiluaðila að þeir frestuðu verkþönnun og verkföllum gegn skipun sáttanefndar og þriggja prósentu grunnkaupshækkunar. Þessu höfnuðu báðir aðilar nema að því er varðar skipan sáttanefndar.

Inngrip ríkisstjórnarinnar fór því út um þúfur að þessu sinni.

En það dylst væntanlega engum að með afskiptum sínum er ríkisstjórnin að leggja út á mjög hálan ís.

Að minnsta kosti sáu farmmenn ástæðu til þess að lýsa því yfir í ályktun sinni 16. maí að "enginn skyldi treysta því að til sé önnur lausn á þessari kjara-deilu en frjálsir samningar." Þessum varnaðarorðum er greinilega beint gegn tilraun-

um ríkisstjórnarinnar til að grípa inn í deiluna.

Hættir stjórnin afskiptum sínum?

Enginn skyldi ætla að svo sé. Hins vegar er það ljóst að ráðherrar Alþýðubandalagsins munu reyna að koma í veg fyrir svo grímulaus afskipti sem yfirlýsingar annarra ráðherra.

FRAMHALD Á SÍÐU 2



Kjarasamingana í gildi. Fundarmenn á útifundinum 1. mars 1978 rétta upp hendi og samþykka ávarp fundarins.


Dagsbrúnarstjórnin móttfallin verkfalli farmanna og mjólkurfræðinga

Aðalfundur Verkamannafélagsins Dagsbrúnar var haldinn s.l. sunnudag. Það er segin saga með þá fundi að þeir eru leiðinlegustu og undurfurðulegustu samkundur sem fram fara ár hvert. Langur talnalestur úr reikningum félagsins og síðan les Eðvarð formaður s.k. skýrslu stjórnar. Þannig eru tveir fyrstu tímar fundarins. Skýrslan er svo enn meiri lestur á tölum, sem fer inn um annað eyrað á mönnum og út um hitt. Pólitískt og faglegt starf félagsins er svo afgreitt með fáeinum setningum.

Að venju brutu þeir Eðvarð og Guðmundur fundarsköp og svöruðu ekki fyrirspurnum er til þeirra var beint.

Á fundinum urðu harðar deilur um afstöðu félagsins til verkfalls farmanna og mjólkurfræð-

FRAMHALD Á SÍÐU 2



Dagsbrúnarstjórnin styður þá viðleitni atvinnurekanda, að reka fleyg milli launþega.

'Atta punktar kínverja

SJÁ SÍÐU 3.

Úr Fréttabréfi
verkalýðsfélaganna
í Vestmannaeyjum

SJÁ BAKSÍÐU.

Vextir hækka um 1,5-2%

Nú hefur komið á daginn að vextir munu hækka á næstunni. Áður hefur verið á það bent í STB að tillögur Seðlabankans, sem byggðar eru á efnahagsmálalögum ríkisstjórnarinnar, muni óhjákvæmilega þýða hækkun vaxta.

Haft er eftir Svavari Gestssyni viðskiptaráðherra að tillögurnar séu í fullu samræmi við stefnu ríkisstjórnarinnar.

Tillögurnar ganga út á það að nafnvextir lækka en lánverða hins vegar verðtryggð þannig að í raun þýðir þetta að vextir hækka. Á sama tíma og þannig

er verið að reyna að auka gróða bankanna með því að verðtryggja tekjur þeirra þá er verið að skerða verðtryggingu launanna.

Því má fullyrða að þessi vaxtahækkun verður launþegum enn þá óhagstæðari en þessi tveggja prósentu hækkun segir til um.

Að síðustu má benda á að þessi hækkun kemur til framkvæmda í áföngum. Fyrst eru vextir hækkaðir á almennum lánum en atvinnurekendur fá eftir sem áður lán á mjög lágu vöxtum án verðtryggingar.

Stétta - samvinnustefnan

Stéttasamvinnustefna kratanna í Alþýðubandalaginu og Alþýðuflokknum hefur fengið að blómstra í vetur. Þessi stefna, sem í raun og veru er stefna allra borgaralegu flokkanna, miðar að því að taka hag atvinnurekenda fram yfir hagsmuni hins vinnandi fólks.

Flokkarnir nota ítök sín í forystu stærstu stéttarfélaganna til að gera stefnu flokksins að stefnu stéttarfélagsins. Þessi barátta flokkanna um yfirráð yfir verkalyðshreyfingunni lamar allt baráttufúst starf þar og skerðir lýðræðið innan verkalyðshreyfingarinnar því að fulltrúar flokkanna reyna að koma á fámennisstjórn til að tryggja völd sín og áhrif.

Stéttasamvinnan hefur afhjúpast óvenju vel í vetur. Núverandi ríkisstjórn hefur það efst á stefnuskrá sinni að skerða kjör hins vinnandi fólks "í samráði við verkalyðshreyfinguna" eins og það er orðað.

Fyrirverandi ríkisstjórn hafði nákvæmlega sömu stefnuskrá nema hvað "samráðið" vantaði. Verkalyðshreyfingin barðist réttilega hart gegn þeirri ríkisstjórn með þeim árangri að hún varð að hrökklast frá.

En núna aðeins ári síðar er forysta verkalyðshreyfingarinnar búin að slíðra sverðin og styður kaupránsstefnu ríkisstjórnarinnar.

Nú er ekki lengur krafist samninganna í gildi. Þvert á móti. Forystumenn sumra stéttarféлага hafa blátt áfram heimtað að ríkisstjórnin gripi inn í verkföllin sem nú standa yfir.

Menn muna líka hinar dæmalaus yfirlýsingar ýmissa verkalyðsfélagasambanda í vetur þar sem kauplækkunar var beinlínis krafist.

Reynslan af þessari ríkisstjórn hefur sýnt að henni er í engu treystandi. Hún svífst einskis í kjaraskerðingarherferð sinni. Í mars vildi hún selja opinberum starfsmönnum breyttan samningsrétt fyrir 3%. Nú vill hún kaupa allan samningsrétt af launþegahreyfingunni fyrir 3%.

Reynslan af forystu sumra stéttarfélaganna hefur einnig sýnt okkur að henni er í engu treystandi. Forystumenn sem skipta um skoðun eftir því hvað kemur sér best fyrir ákveðna stjórnmalaflokka eða atvinnurekendur eiga ekki heima í stjórnnum stéttarfélaganna. Um leið og við leggjum til baráttu gegn ríkisstjórninni verðum við ekki síður að berjast gegn stéttasamvinnuöflunum inna verkalyðshreyfingarinnar.

Markmiðið er að gera stéttarfélagin að baráttutækjum fyrir hagsmunum hins vinnandi fólks.

Hvað er að gerast í Indókiná?

Þessi heimshluti er nú vettvangur meginþunga heimsvaldastefnu Sovétríkjanna. Hernaðaraðgerðir víetnama gegn kínverjum eru aðeins tilraunir til að fela það sem raunverulega er að gerast í þessum heimshluta.

Víetnamar hafa lengi stefnt að einskonar Sambandsríki Suðaustur-Asíu undir forystu þeirra sjálfra. Með miklum hernaðarstuðningi rússa hafa þeir nú látið til skarar skriðna gegn nágrönnum sínum. Víetnamar hafa sem kunnugt er mikinn her í Laos og Kampútseu og hafa haft í hötnum við stjórn Tælands. Það þarf því í meira lagi glám. skyggjan mann til að sjá ekki fyrirætlanir víetnama og rússa.

Meðan víetnamar halda áfram ögrunum sínum við Kína og ræða um frið hins vegar streyma sovísk hergögn og sovískir hernaðarsérfræðingar til landsins. Þessi hernaðarflutningur rússa fer síðan í að auka yfirgang víetnama í nágrannalöndunum.

Ætlun víetnama er alls ekki að ráðast inn í Kína. Þeir vita að slíkur hernaður fæli í sér ósigur þeirra sjálfra.

Tilgangurinn er aðeins sá að fela yfirgang víetnama og rússa í þessum heimshluta.

Kína og skæruliðaher Pol Pots í Kampútseu eru helstu þröskuldar í vegi sovísku heimsvaldastefnunnar á þessu svæði.

Þess vegna hafa sovétmenn og stuðningsmenn sovísku heimsvaldastefnunnar á Vesturlöndum hafið andkínverska áróðursherferð. Við verðum að vera á varðbergi gagnvart þessum áróðri og afhjúpa stuðningsmenn sovísku heimsvaldastefnunnar á Íslandi eins og þjórn bandarísku heimsvaldastefnunnar hafa verið afhjúpaðir.

Tilvist rísaveiddanna, Bandaríkjanna og Sovétríkjanna þar sem Sovétríkin eru hið hungraða risaveldi er ógnun við heimsfriðinn í dag.

Farmannadeilan:

Það þýðir þó ekki að AB muni ekki beita slíkum aðferðum.

Skoðum ummæli Svavars Gestssonar í Þjóðviljanum 17. maí: "Þá tel ég að það hafi ekki verið til þess að greiða úr málinu að ýmsir samstarfsmenn mínir hafa látið frá sér fara ótímabærar og óheppilegar yfirlýsingar varðandi deiluna." (Undirstr. STB).

Ef það er aðeins spurningin um heppilegt tækifæri til að gripa inn í mega farmenn og aðrir eiga von á frekari afskiptum í fyllingu tímans.

Slík vinnubrögð ríkisstjórnar sem í þökkabót kennir sig við "vinstri" koma vissulega ekki aðeins farmönnum við heldur allri verkalyðsstéttinni.

Þau sýna svart á hvítu að ekki er um það að ræða að ríki valdið sé vinveitt verkafólki heldur er það þvert á móti því fjandsamlegt. Haldi ríkisstjórnin til streitu í kjaramálum verkalyðsfjandsamlega stefnu sinni er það beinlínis skylda verkalyðshreyfingarinnar að gripa til harðrar baráttu gegn henni. Verði því ekki sinnt af hálfu forystumanna ASÍ innan mjög skamms tíma játa þeir samsekt sína með ríkisstjórninni. Það er því brýn nauðsyn fyrir almennt verkafólk að búa sig undir þau átök sem nú virðast óumflýjanleg.

Verkafólk skipuleggi sig.

Ef árangur á að nást, er nauðsynlegt að verkafólk hefji nú þegar sjálfstæða skipulagningu krafta sinna á sínum vinnustað og innan sinna verkalyðsfélaga. Með sjálfstæðri skipulagningu er átt við að verkafólk myndi hópa á vinnustað eða í verkalyðsfélagi. Þannig getur verkafólk sjálf rætt um sín kjaramál og myndað með sér sterka samstöðu.

Án slíkrar samstöðu má ljóst vera að það er erfitt fyrir einn og einn að þrýsta á stjórn félagsins til aðgerða eða þá styðja við bakið á þeim stjórnnum vantar ekki viljann heldur kjarkinn.

Erfiðir tímar eru framundan í baráttu verkalyðsins. Ekki síst sökum þess að ríkisstjórnin sem kenndi sig í orði við "vinstri" hefur orðið ber að því að vera argasta hægri-stjórn í raun.

Þessi hráskinnaleikur hefur valdið klofningi meðal verka-fólks og tafið fyrir og unnið skemmdarverk á varnabaráttu þess.

Afskipti ríkisstjórnarinnar af farmannadeilunni eru því mikilvægur lærdómur fyrir verkafólk sem ætti að taka af öll tvímæli um, hvers eðlis ríkisstjórnin er.

Dagsbrún

FRAMHALD AF FORSIÐU



Vinnandi fólk á samleið í kjarabaráttunni.

inga. Þeir Kjartan Valgarðsson, Gunnlaugur Þór og Gunnar Hrafn báru fram tillögu þess efnis að Dagsbrún lýsti yfir fullri samstöðu með farmönnum og mjólkurfræðingum í baráttu þeirra nú gegn atvinnurekendum og ríkisvaldinu. Þessu gátu alþýðubandalagsmennirnir í stjórn félagsins ekki unað. Þeir báru fram frávisunartillögu á stuðningstillöguna og fengu hana samþykkt. Á fundinum var samþykkt mótmælaályktun við verkbannsákvæðanir VSÍ, o. s. frv.

Stjórn Dagsbrúnar hefur nú grafið upp stríðsöxina gegn því sem hún nefnir hálauna-fólk og er sú stefna mjög í anda Alþýðubandalagsins. Samkvæmt há- og láglaunakenningu þessari eiga þeir lægra launuðu að berjast gegn þeim herra launuðu og gagnkvæmt. Samkvæmt henni á launafólk ekki lengur atvinnurekendavaldið að sameiginlegum óvini, höfuðóvini sem eigi að berjast sameiginlega gegn. Nei nú á sá draumur atvinnurekenda endanlega að rætast að sjá alþýðusamtökin bítast og berjast innbyrðis og fá að njóta góðs af.

Þeir Gunnar og Kjartan deildu í málflutningi sínum hart á stjórn félagsins fyrir slæg vinnubrögð hennar á s.l. ári og þjónkun hennar við ríkisstjórnina og samstarfið við atvinnurekendur. Það virðist þó ætla að verða tilgangslítið starf að mæta á félagsfundi í Dagsbrún.

Á þeim er stjórnin allsráðandi enda svo komið að örfáir menn mæta og þá helst þeir sauðtryggu stjórnaráhangendur.

Aðrir virðast því miður hafa gefið það upp á bátinn að breyta félaginu í öflugt stéttarfélag.

En góðir félagsmenn. er ekki kominn tími til að við skipuleggjum andstöðu okkar gegn alþýðubandalagsklíkunni sem stjórnar Dagsbrún í eigin þágu?

Andstaðan gegn stjórninni er geysivíðtæk, það sannaðist í mótframboðstilrauninni í ársbyrjun 1978. Þessi andstaða þarfnast samstöðu og skipulagningar. Þá breytum við félaginu úr eiginhagsmunafyrirtæki farrar í öfluga fjöldahreyfingu.

Vestur-þýskur kommúnisti ferðaðist í gegnum A-Þýskaland með lest. Hann lenti í orðaskiptum við gamla konu.

Heima í Vestur-Þýskalandi, sagði hann, kosta skyrtur 40 mörk hver.

Skyrtur, sagði hún undrandi. Við áttum svoléiðis einu sinni. Smjör er hræðilega dýrt fyrir vestan, við neyðumst til að nota smjörflíki.

Já, sagði gamla konan. Einu sinni áttum við líka smjörflíki.

Heyrðu nú, sagði vestur-þýski kommúnistinn og var greinilega búinn að fá nóg af tilsvörum gömlu konunnar. Ekki segja mér svona ævintýri, bætti hann við. Ég er kommúnisti.

Kommúnisti, sagði gamla konan. Já, einu sinni voru þeir til hérna líka.

Brésneff var að ganga fram hjá Rauða torginu dag einn, þegar hann heyrði draugalega rödd segja. "Félagi Leonid færðu mér hest. . . . færðu mér hest". Sami atburður átti sér stað næsta dag og daginn þar á eftir. Hann ákvað því að flytja Kosygín fulla skýrslu um málið. Daginn eftir héldu báðir mennirnir niður að Rauða torginu til að rannsaka málið.

Skyndilega heyrðist draugalega röddin aftur. "Fíflíð þitt. Ég sagði þér að láta mig fá hest og þú færir mér asna."

Novotni forseti var að ráðgast við landbúnaðarráðherrann sinn. Hversu mikið af hveiti eigum við spurði hann.

Nog til fjórtán mánaða félagi forseti.

Og kjóti?

Rúmlega átta mánaða.

En hversu mikið af smjöri?

Nóg í eitt ár.

Kartöflur?

Þrettán mánuði.

Gott. Og hvað með slóvakana, taldirðu þá með í útreikningi þínum.

Slóvakana. Hvað ertu að tala um. Þegar þú sagðir við, hélt ég að þú værir að meina mig og þig.

FRAMHALD AF BAKSIÐU

Hvað er framundan?

stundina, er rétt að stefna baráttunni inn á þær brautir, þar sem einhvers sigurs er að vænta.

Snótarkonur hafa nú hafið ötula baráttu til að hotta á bágrækt þinglið að efna loforð sín og ættu fleiri stéttarfélög að taka undir þá baráttu. Það er greini leg, að ríkisstjórnin ætlar að láta staðar numið við föstudagana eina, en ekki leggja niður. eftirvinnu í áföngum eins og upphaflega var ætlað. Það þarf því samhenta baráttu allra stéttarféлага til að ná fram því máli, t. d. í áföngum.

Ákvæðisvinna í síldarsöltun er sennilega eitt erfiðasta og um leið sóðalegasta starf, sem verkafólki er boðið upp á. Laun fyrir þessa vinnu hafa á undanförunum árum dregist svo aftur úr, að vanar söltunarstúlkur eiga orðið fullt í fangi með að ná tímakaupi í næturvinnu við síldarsöltun.

Í væntanlegum samningum þarf að lyfta þessum launum verulega upp.

(Tekið úr Fréttabréfi Verkalyðsfélaganna í Vestm. eyjum 1. maí s.l.).

'Atta punktar kínverja

Friðarviðræður Kínverja og Víetnama hafa nú staðið yfir síðan 18. apríl í Hanoi. Fjórdi fundurinn hófst í síðustu viku.

Víetnamar hafa haldið áfram árásum sínum á Kína, bæði áróðurslega og hernaðarlega.

Kínverjar hafa á hinn bóginn staðið við orð sín að þeir ásældust ekki þumlung víetnamsks lands.

Fulltrúar Kínverja við friðarviðræðurnar lögðu fram átta liða tillögu að friðarsamningi. Fer hún hér á eftir.

stjórnir Kommúnistaflokks Kína og Víetnams skiptust á bréfum árin 1957-58 og hvorugur mun reyna að breyta því á nokkurn hátt.

4. Báðir munu virða yfirráð hins yfir 12 mílna landhelgi og munu semja um efnahagslögsögu á landgrunni í Beibu-flóa og annars staðar í samræmi við gildandi alþjóðleg hafréttarlög.

5. Xisha og Nansha-eyjar hafa alltaf verið óaðskiljanlegur hluti af Kína. Víetnam á að snúa til fyrri afstöðu þar sem þessi staðreynd er viðurkennd og virða yfirráð Kína yfir þessum tveimur eyjaklössum og draga til baka allt herlið sem þeir hafa nú þegar sett á eyjarnar.

6. Fólk af öðru þjóðerni en dvalarlandsins skal virða lög og reglur landsins, siði og venjur fólksins og gera allt sem í þeirra valdi stendur til að styrkja efnahagslega og menningarlega þróun landsins. Ríkisstjórn dvalarlandsins skal ábyrgjast réttindi og hagsmuni þessa fólks ferðafrelsi, lífsafkomu og at-

vinnu og verja persónulegt öryggi þess sem og löglega fengnar eignir þess.

Báðir aðilar munu eiga vinnjárnleg samskipti við fólk af hinu þjóðerninu þar búsett og ekki ofsækja það né reka ólöglega úr landinu.

7. Víetnamska ríkisstjórnin skal svara lögmætum óskum víetnamskra þegna sem reknir hafa verið til Kína með því að taka við þeim aftur og leyfa þeim að búa um sig á viðunandi hátt eins fljótt og unnt er.

Kínverska ríkisstjórnin mun gera allt sem í hennar valdi stendur til að flýta fyrir þessu.

8. Járnbrautarsamgöngur, flugsamgöngur, verslun, póst og sífariðsamskipti og annað skal koma í fyrria hof sem fyrst með viðræðum milli fulltrúa viðkomandi stofnana beggja landanna.

Auk þess lögðu Kínverjar sérstaka áherslu á að fanga-skipti yrðu gerð eins fljótt og unnt væri.



Verkföll í Svíþjóð.

Tíð verkföll hafa verið í Svíþjóð undanfarna mánuði. Alls urðu í apríl ellefu verkföll til að krefjast hærri launa.

Í mars urðu vinnustöðvanir 62 og þátt í þeim tók um 17 þúsund manns. Meðal þeirra voru 6.500 skipasmiðir í Gautaborg, 3000 stáliðnaðarmenn í Oxelosund og 2100 verkamenn í málmiðnaði í Hallstahammar.

Yfirleitt voru þessi verkföll árangursrík og kröfur verkfallsmanna náðu að hluta fram að ganga.

Mannfall í víetnamska innrásar-liðinu í Kampútseu.

Byltingarher Kampútseu varð vel ágengt í bardögum við víetnamska innrásarherinn við þjóðvegi 4 og 5 í mars og apríl.

25. og 26. mars reyndu víetnamar að opna þjóðveg 5 fyrir umferð. Byltingarherinn gerði gagnárás og felldi um 140 víetnama og eyðilagði hergögn. Svipuð saga endurtók sig í byrjun apríl og náði Byltingarherinn þá á sitt vald miklu af vopnum og hergögnum frá víetnömum.

Frá 2. til 9. apríl felldu hermenn Byltingarhersins yfir 200 víetnama við þjóðveg 4. Jafnframt tóku þeir mikið af hergögnum. Byltingarherinn náði einnig á sitt vald bæjunum Phnom Khdei, Phnom Preash Kai og Ta Am.

Þessar fréttir og aðrar svipaðar sýna ljóslega að þrátt fyrir að víetnamar hafi náð á sitt vald stærstu borgum landsins fer því fjærri að yfirráð þeirra séu traust. Þeir þurfa til dæmis að halda úti miklum liðsafnaði til að halda þjóðvegum opnum en án umferðar um þá eru borgirnar einangraðar. Skæruliðaher Pol Pots hefur hins vegar tryggt stuðning alþýðunnar til sveita.

Her Tælands í viðbragðsstöðu.

Haft er eftir forsætisráðherra Tælands að her landsins sé í viðbragðsstöðu. "Við erum í viðbragðsstöðu og munum vera tilbúnir að þrýsta á gikkinn ef einhver gerir tilraun til innrásar í landið," sagði hann í viðtali við blaðamenn þar í landi.

Átti hann þar við síendurteknar hótanir Heng Samrins, forsætisráðherra leppstjórnar víetnama í Kampútseu. Lepparnir sem og víetnamar og rússar hafa ásakað stjórn Tælands fyrir stuðning við stjórn Pol Pots.

Þessi áróður er aðeins fyrsta skrefið í frekari útpenslu rússa og víetnama í Suðaustur-Asíu.

Vietnamar tala um frið en undirbúa stríð

Víetnömsk yfirvöld halda áfram andkínverskri áróðursherferð. Undir lok fyrsta hluta friðarviðræðna kínverja og víetnama gaf aðalritari Kommúnistaflokks Víetnams út "leiðbeiningar" um að "öll þjóðin ætti að undirbúa sig fyrir frekari fórnir til að sigra afturhaldið í Peking". Jafnframt eru varnir landsins styrktar við landamærin.

Frá gagnárás kínverja í febrúar hafa víetnamar fjölgað í fastaherum úr 600.000 í eina milljón manna. Um hundrað þúsund þessara hermanna hafa verið fluttir til landamæra Kína og Víetnam.

Meðan þetta gerist við landamærin streyma sovésk skip til hafna í Víetnam. Einkum er mikið af sovéskum hergögnum flutt á land í höfnunum Da Nang og Haiphong. Áður hefur verið sagt frá því í STB að rússar hafa tekið að sér fyrrverandi bandaríska flotastöð við Cam Ranh flóa. Sovéskar flugvélar taka síðan við og flytja hergögnin til flugvalla í Hanoi og fleiri staða.

Víetnamar halda uppteknum hætti við landamærin.

Víetnamar lögðu fram tillögu

í þremur liðum til lausnar deilu þeirra og kínverja. Einn liðurinn var að ríkin legðu af fjandskap við landamærin og sérstakt hlutlaust belti yrði á landamærunum.

Eftirfarandi listi yfir fjandsamlegar aðgerðir víetnama eftir að kínverski herinn yfirgaf Víetnam 16. apríl sýnir best hvað mikið er að marka friðarhjal þeirra.

16. apríl fóru víetnarskir hermenn yfir landamærin og hófu skyndisök á hendur kínverskum landamærayörðum. Þetta var í Jingxi héraði.

17. apríl fóru víetnamskir hermenn þrjár ferðir yfir landamærin. Kínverskir landamærayörðir svöruðu árásumum í öll skiptin og hröktu víetnamana á brott.

20. apríl gerðu víetnamar tvær árásir yfir landamærin, í Jingxi héraði og Ningming.

22. apríl skutu víetnamskir hermenn í Lao Cai í Víetnam yfir landamærin og særðu þrjá kínverja.

23. apríl fóru víetnamskir hermenn yfir landamærin.

Alls hafa víetnamar farið 300 ferðir yfir landamærin eftir að kínverski herinn yfirgaf Víetnam.

Víetnamar nota friðarviðræðurnar sem hulu yfir enn frekari hernaðaraðgerðir þeirra í Suðaustur-Asíu, ekki aðeins gagnvart Kína heldur miklu fremur gagnvart öðrum nágrannaríkjum sínum.



Ah Hsi, sex ára gamall kínverskur drengur frá Kwangsi, vann fyrstu verðlaun í Alþjóðlegri myndlistarsamkeppni barna í Finnlandi árið 1977. Drengurinn sem er af Maonan - þjóðflokki byrjaði að læra málun fjögurra ára gamall og hefur nú náð valdi á hefðbundinni kínverskri málun með penslum. (Mynd frá Hsinhua).

'Askriptargjöld 1979

VENJULEG ÁSKRIFT : KR. 5000.-

BARÁTTU ÁSKRIFT : KR. 7000.-

TIL ÚTLANDA : KR. 13000.-

TIL ÖRYRKJA OG ELLILÍFEYRISÞEGA : KR. 500.-



Öreigar og kúgaðar þjóðir heims sameinist!
Stéttabaráttan
Útg: Kommúnistaflokkur Íslands m-l.
20. tbl. 8. árg. 22.5.1979



STÉTTABARÁTTAN
- kemur út vikulega -
Sími: 27810.
Gíró: 27810-6.

Abyrgðarm: Sigurður
Ingi Andrésson.

Úr Fréttabréfi verkalyðsfélaganna í Vestmannaeyjum

1. MAÍ - ÁVARP Í VESTMANNAEYJUM

Þótt nokkuð sé liðið frá 1. maí, þykir ritstjórn Stéttabaráttunnar rétt að birta hér í heild 1. maí ávarp fulltrúaráðs verkalyðsfélaganna í Vestmannaeyjum. Auk þess koma fram nokkrar valdar greinar úr Fréttabréfi verkalyðsfélaganna í Vestmannaeyjum.

Þann 1. maí ár hvert fylkir verkalyðshreyfing heimsins sér undirgunnfána sína og leggur fram kröfur um bætt lífskjör í betra þjóðfélagi. Sú baráttan, sem verkalyður heimsins hefur háð við fjandamlega eignastétt og skilningslítið oft á tíðum óvinveitt ríkisvald, hefur þegar markað djúp spor. Hvað okkur Íslendingar varðar má nefna, að fyrir þessa baráttu hefur náðst fram stytting vinnutímans, lífeyrisþjóðir, verkamannabústaðir, atvinnuleysistryggingar og orlof, svo fátt eitt sé nefnt dæmi.

En baráttan verkalyðshreyfingarinnar er baráttan sem aldrei tekur enda. Reynslan hefur sýnt okkur, að við verðum einnig að standa vörð um áunnin réttindi jafnframt því, sem barist er fyrir auknum réttindum. Meðan það ástand ríkir, að jafnt atvinnurekendur sem ríkisvald sjá þau ráð ein til úrbóta að skerða laun og réttindi verkafólks, verða samtök þess að halda vöku sinni.

Í ljósi reynslunnar sést einnig að varanlegur ávinningur baráttunnar er bundinn því skilyrði, að áhrif launafólks á rekstur atvinnufyrirtækja stórukst. Övfið hefur þetta verið ljósara en einmitt hér í Vestmannaeyjum, þar sem eigendur atvinnutækja hafa notað lífsafkomu verkafólks, sem vopn í einkabaráttu sinni við ríkisvaldið. Í þeim hópi ríkir fyrst og síðast sjónarmið einkagróðans og eru hagsmunir þeirra, sem að framleiðslunni starfa, og hagsmunir bæjarfélagsins í heild, algjört aukaatriði í augum þessara postula einkaframtaksins. Það er grundvallanaúðsyn að verafólk fái stórukin áhrif á rekstur fyrirtækja, fyrr verður atvinnuöryggi þess ekki tryggt.

Full atvinna fyrir allt verkafólk er nú sem fyrr, höfuðkrafa verkalyðshreyfingarinnar. Án fullrar atvinnu er allt tal um minnkandi verðbólgu og aukinn kaupmátt hreint hjóm. Við skulum muna að möguleikinn til atvinnu er mannréttindamál. Það er ekki einkamál þess hóps, sem missir atvinnuna, heldur varðar það þjóðfélagið í heild og þjóðfélag, sem ekki getur

séð vinnufærum þegnum sínum fyrir atvinnu, er misheppnað þjóðfélag og slíku þjóðfélagi þarf að breyta og sníða það eftir þörfum hinna vinnandi stétta.

Samskipti ríkisvaldsins og verkalyðshreyfingarinnar hafa að vonum verið ofarlega á baugi að undanförunu. Það er staðreynd að núverandi ríkisstjórn var sett á laggirnar að kröfu verkalyðshreyfingarinnar. Sú krafa var fram komin vegna þeirrar trúar að verkalyðsflokkarnir tveir, sem svo eru gjarnan nefndir, mundu geta sameinast í baráttunni fyrir bættum hag alþýðunnar í landinu, hvað sem öðrum deilumálum kynni að líða. Það virðist hins vegar óumdeilanleg staðreynd að þessar vonir hafa brugðist. Svo virðist, sem nokkrir nýliðar á þingi, líti á sali Alþingis sem eitt alsherjafjölleikahús þar sem aðalatriðið sé að hafa sem hæst og nota sem stærst orð, en framkvæmdir á stefnumálum ríkisstjórnarinnar virðast vera aukaatriði, sem helst af öllu þurfi að komast hjá að framkvæma.

Afleiðingar þessa ástands liggja ljósar fyrir. Í stað þess að vinna að framtíðar stefnumörkun, þar sem hagsmunir launafólks verði tryggðir, er með nokkurra mánaða millibili gripið til þess ráðs að lögfasta skerðingu á kjörum launafólks.

Samskipti aðila vinnumarkaðsins eiga að vera ákveðin með samningum en ekki með löggjöf nema því aðeins að samtök launafólks séu löggjöfinni samþykkt. Verkalyðssamtökin hljóta hins vegar að mótmæla harðlega löggjöf, sem stjórnvöld setja og skerðir þau kjör, sem samið hefur verið um í kjarasamningum og er þá sama hvað ríkisstjórn á í hlut.

Nafngiftin "vinstri stjórn" er ekki merkingalaust hugtak í hugum fólks, fremur en hugtakið "hægri stjórn". En ríkisstjórn sem kallar sig vinstri stjórn en sér ekki önnur ráð til lausnar vandamála sínum en að skerða kjör alþýðufólks verður aldrei annað en hægri stjórn hvað sem hún kallar sig. Þetta ætti núverandi ríkisstjórn að hafa í huga áður en hún leggur upp í nýjan áfanga á sömu braut.

Fulltrúaráð Verkalyðsfélaganna í Vestmannaeyjum hvetur allt launafólk til að halda vöku sinni gegn þeim kauprandsöflum sem sífellt eru að verki bæði utan Alþingis og innan. Verum reiðubúin til að mæta árásum á kjör okkar með þeim krafti, sem samstaða og samtakamáttur okkar einn getur skapað.

EFTIRVINNUBANN SNÓTAR.

Í Fréttabréfi verkalyðsfélaganna í Vestmannaeyjum er sagt frá fundi Verkakvinnafélagsins Snótar þar. Fundurinn var haldinn kl. 22 þann 3. apríl. Aðalefni fundarins var eftirvinna á föstudögum. Um þetta er eftirfarandi grein úr Fréttabréfinu:

Eins og allir vita, voru gefin eftir 3% af desember hækkun launa vegna hins margtalaða félagsmalapakka, sem átti að bæta þessi 3% upp, innihald pakkans á að vera ýmislegt t.d. endurbætur á veikinda- og slysabótum, uppsagnarfresti og öðrum félagslegum umbótum.

Snótarkonur lögðu mikið upp úr innihaldi pakkans og ekki síst niðurfellingu á eftirvinnu í áföngum, á föstudögum, frá 1. janúar 1979 og síðan bættist við einn dagur á ári, þar til eftirvinna væri endanlega úr sögunni og næturvinna hælist strax að dagvinnu lokinni.

Á aðalfundi Snótar í febrúar, var þegar rétt um efndir á þessu og ákveðið að fara út í einhverjar aðgerðir ef ekki væri farið að hilla undir úrbætur um miðjan mars. Síðan fyrst í apríl var þolinmæði okkar þrotin og þessi kvöldfundur samþykkti einróma að hætta eftirvinnu á föstudögum eftir 15. apríl sem var og gert.

Snótarkonur standa mjög vel saman, þegar á reynir og þær eru að berjast fyrir réttum málstað.

Jóhanna Friðriksd.
(Tekið úr Fréttabréfi Verkalyðsfélaganna í Vestmannaeyjum 1. maí s.l.)

LOKSINS NÁMSKEIÐ!

Síðastliðið mánudagskvöld hófst kjaranámskeið fyrir stúlkur sem vinna á stofnunum bæjarins. Milli 80 og 90 stúlkur voru mættar og hófst námskeiðið með hópefli, sem hefur reynst mjög vel til að auðvelda fólki að tjá sig.

Sigrún Karlsdóttir félagsmálaráðgjafi bæjarins kenndi hópeflið og hefur hún verið okkur stoð og stytta í að hrinda þessu námskeiði í framkvæmd. Námssefni verður margvíslegt t.d. hjálp í viðlögum, sálarfræði, starfsstillingar, tryggingar og fleira.

Vegna fjölda þátttakenda varð að skipta hópnunum í tvennt. Það sem búið er að skipuleggja núna er fyrrihluti þess námskeiðs sem samið var um í vetur, síðan verður tekinn fyrir seinni hlutinn, en hvort það getur orðið fyrr en seinniparts sumars er enn ekki ákveðið. Ég vona að þessar stúlkur hafi bæði gagn og gaman af þessu námskeiði, sem auk þess gefur 8% launahækkun þegar því er öllu lokið.

Jóhanna Friðriksd.
(Tekið úr Fréttabréfi Verkalyðsfélaganna í Vestmannaeyjum 1. maí s.l.)

HVAÐ ER FRAMUNDAN?

Á þessum baráttudegi okkar er rétt að gera sér grein fyrir hverju við ætlum að stefna að í náinni framtíð og jafnvel þótt við heyjum varnarbaráttu þessa FRAMHALD Á SÍÐU 2

LOFORÐ OG EFNDIR.

Þann 1. des. s.l. samdi verkalyðshreyfingin við ríkisstjórnina um að gefa eftir 3% af þeirri launahækkun sem þá átti að koma vegna vísitöluhækkunar skv. samningum, ef í staðinn yrðu lögfestar ýmsar félagslegar umbætur, er verkalyðshreyfingin gæti metið til jafns við þá launahækkun. Samkomulag þetta hefur síðan gengið undir nafninu "félagsmálapakkin" manna á milli.

Atvinnurekendur ráku upp mikið ramakvein, þegar þeir vissu hvað "pakkin" átti að innihalda og sögðu að hann mundi kosta sig 18 miljarða á ári.

Efndir á þessu samkomulagi hafa verið þessari ríkisstjórn til mestu skammar. Nú eru liðnir 5 mánuðir síðan launafólk afsalaði sér þessari kauphækkun og hefur ekkert af þessum loforðum lítið dagsins ljós í formi laga, nema breytingar á lögum um ríkisábyrgð við gjaldþrot og breytingar á lögum um orlof (þe. heimild innheimtuaðika til aðgangs að bókhaldi orlofsgreiðanda).

Séu útreikningar atvinnurekenda réttir, þá hefur ríkisstjórnin haft 7,5 miljarða af launafólki í landinu með vanefndum sínum og fært þá upphæð hinum síkvartandi atvinnurekendum.

Verkaþólkur er farið að lengja eftir efndum ríkisstjórnarinnar á þessu loforði og er þolinmæði þess nú á þrotum. Verkakonur hér hafa ákveðið að bíða ekki lengur. Verkakvinnafélagið Snót hefur samþykkt að vinna ekki eftirvinnu á föstudögum eftirleiðis og hófst þessi aðgerð verkakvinnna þann 20. apríl s.l. (Tekið úr Fréttabréfi Verkalyðsfélaganna í Vestm. eyjum)

Atvinnuhorfur skólafólks



Skólanemar við gatnagerð.

Mjög slæmar atvinnuhorfur eru nú fyrir skólafólk. Flestir vinnustaðir sem taka við skólafólki á annað borð veita nú færri unglingum vinnu en undanfarin sumur.

Þessir fáu sem vinnu fá eru helst þeir sem áður hafa unnið á viðkomandi vinnustað eða hafa betri aðstöðu en aðrir til að koma sér á framfæri.

Þetta ástand er í fullu samræmi við almennt efnahagsástand í þjóðfélaginu. Samdráttur blasir við á flestum sviðum þar sem þensla undanfarinna ára hefur orðið hægar.

Þótt almennt atvinnuleysi hafi verið tiltölulega lítið í vetur hefur það þó verið meira en undanfarin ár.

Það hlýtur að vera réttmæt krafa jafnt skólafólks sem annarra að þeim sé séð fyrir vinnu við hæfi.

'Askript

Ég undirritaður óska eftir að gerast áskrifandi að STÉTTABARÁTTUNNI.

Nafn: _____

Heimili: _____

Sendist til: STÉTTABARÁTTAN
Pósthólf 1357
121 Keykjavík